



IPA ta organisa su prome workshop pa publico pa aña academico 2010-2011

“Cultura, un tentacion ingenioso”

E buki *Cultura, un tentacion ingenioso* di e autor Walther Bourne lo forma parti di e lista di literatura recomenda di docente y estudiante di Instituto Pedagógico Arubano (IPA). E buki ta acopla cu e tema di aña academico 2010 – 2011. E tema di e aña academico di IPA ta “*Attitude: cornerstone for competent professional and personal practice*” y e lema di e aña aki ta: “*Attitudes are contagious. Is yours worth catching?*” Punto di salida di Walther Bourne ta trata e balornan cu hende tin pa wak con e ta pensa di su mes y di su ambiente den luz constructivo. E manera di pensa aki ta conecta perfectamente na e tema di e aña academico aki.

Segun e autor Walther Bourne ni bo rasa, ni bo color, ni bo sexo no ta determina ken bo ta, sino bo balornan di paden y bo ‘intro-empresariado’. Pa medio di e dos conceptonan aki Walther Bourne ta yuda hende logra exito. Den su buki cu a keda publica recientemente “*Cultuur, een vernuftige verleiding*” (*Cultura, un tentacion ingenioso*), e lector por lesa su columnanan cu ta trata balor interno y ‘intro-empresariado’ y con cultura por laga hende desvia di e habilidadnan y podernan basico y original aki.

‘Balor interno ta nifica e diesdos habilidadnan basico y e podernan cu cada hende tin. Si e por reconoce e balornan aki y uza nan bon, nos ta papia di ‘intro-empresariado’. ‘Esey kiermen cu bo ta anda cu e habilidadnan aki manera un comerciante, Bourne ta splica. ‘Tur hende tin balor interno y esey no ta mara na ningun cultura. Esey ta pone, cu diferencia ta disparce.’

E buki ta e comienso pa cera conoci cu e conceptonan aki y cu e otro perspectiva di Bourne riba e exito di hende den su propio cultura y tambe den otro cultura. ‘Si nos husga hende riba nan balornan interno y riba e manera con nan ta anda cu esey, e asina yama intro-empresariado, no tin distincion mas entre rasa, no tin diferencia mas entre preto y blanco of entre muher y homber. Lo tin diferencia solamente entre e cantidad di balor interno cu e persona tin y su ‘intro-empresariado’

Segun Walther Bourne den su columnanan, cu balor interno y intro-empresariado e soño di Martin Luther King jr. ainda por keda realisa y e concepto di ‘hende di colo’ ta un engaño di nos cultura cu no tin nada di haber cu e balornan di hende y cultura no tin nada di haber cu nos identidad y no ta stroba e exito di ningun hende. Bourne: ‘Traha na bo balornan interno y na bo intro-empresariado ta segun ami, e yabi pa exito di cada persona, irespecto rasa, color of sexo.’

IPA conhuntamente cu Walther Bourne ta invita publico en general pa asisti na e workshop interesante aki.

Fecha: diaranson, 25 di augustus 2010

Luga: IPA (Isaac Wagemakerstraat 11, San Nicolas)

Ora: 7or pa 9or di anochi

Entrada: completamente gratis

